



UNIVERSITÄTS-
BIBLIOTHEK
PADERBORN

Universitätsbibliothek Paderborn

Quotidiana Christiani Militis Tessera

Stanyhurst, Guillaume

Coloniæ Agrippinæ, 1710

8. Dies Januarii. Nostrum est velle, fed voluntas ipsa & admonetur ut surgat, & fanatur ut valeat, & dilatatur ut capiat, & impletur ut habeat.

urn:nbn:de:hbz:466:1-45477

reum odii omnium, & quod sequitur, supplicii sempiterni. Non possum nec ego dicendo efferre, nec tu cogitando comprehendere, quid sit inferi in genus divinum, venire in partem divinitatis, undique infinitæ, unumq; cum eo conflare, & fieri quodammodo Deum. Hoc assequi cum sit suprâ vires naturæ, solus capit auctor naturæ. Sine hoc auxilio, (a) *Ipsa si cupiat salus, servare prorsus non potest tuam animam.* Ut ergò bonum possis, hoc bonum posce ab eo sæpius si poposceris dabit tibi. Promptior enim Gratiam tibi dare, quàm tu, vel alius quispiam accipere. Urget enim ut accipere velis, & irascitur nolis. Magni ergò fac illud donum, quod te facit magnum, & ex humili erigit in altum: datur enim ab eo qui ipse est donum Dei altissimi: nec est quod hic ultrâ poscas, nam si Poëtæ est fides.

Dum influit hoc donum, confluit omne bonum.

8. DIES JANUARI.

Nostrum est velle, sed voluntas ipsa & admonetur ut surgat, & sanatur ut valeat, & dilatatur ut capiat, & impletur ut habeat.

Aug. de Viduit.

Non suf- I.
ficit posse,
opus est &
velle.

Nihil potest, ut quid agas Posses, nisi sequatur & Velle. Ut quis bonum quod potest velit, est partim naturæ humanæ, partim gratiæ divinæ. Potes ergò bonum Velle, sed nec hoc posses, nisi ut monet tessera, gratia voluntatē & admoneret ut surgat, & sanaret ut valeat.

(2) *Terent. Adulph.*

II. Cùm igitur animæ motiones ad naturæ refe-
rantur motus, etiam si sint suprà gradū naturæ, non
potest anima se movere, ad usus divinos, & actus
cælestes, nisi moveatur ab Auctore naturæ. Enim ve-
rò omnis animi nifus, eum dirigens ad gratiam, &
gloriam, motio est: igitur ut se possit movere, habet
ab alio, (fatente id Philosopho) non à se, nec alio
extrà se, igitur ab illo; qui cùm omnia movet, à nullo
movetur. Hic solus qui est principium omnis mo-
tus, animum ut agere possit, movet, ut agere velit,
permovet. Ut animus se moveat, non habet à primò
mobili, sed à primò movente, in quo uno [b] *Vivi-*
mus, movemur, & sumus. Qui autem immotus mo-
vet omnia, ut & te moveat, non tantum est cupidus,
sed obvi⁹. Unde cùm opitulante gratia possis quod-
libet bonum velle, si quàm facilè quid possis, tam se-
riò velis, quidquid volueris, eris. Eris igitur si impēsē
cupis, nō tantum inter omnes, primus, sed inter om-
nia, summus. Agnosce hic tuā in volendo potestaté.

Potes

[a] *Arist. l. 7. Phys. initio.* [b] *Act. 17. 28.*

Potes gratiæ beneficio quidvis velle, velle porro et se movere: potes igitur, qui humi stratus contemptibiliter repis, per minima, movendo te erigere ad maxima. Potes te movere à terra ad cælum, à tempore ad æternitatem, ab humanis ad divina, à vitiis ad virtutes, à via lata ad viam arctam, à quovis malo ad quodvis bonum.

III. Inde jam conficio; Christianæ perfectioni cælum in duobus polis immobiliter movetur; videlicet Nolle & Velle. Nolle quod Deus non vult, velle quod vult: nolle quod lex prohibet, velle quod jubet. Scribatur in polo Arctico, Velle, in polo Antarctic, Nolle, ut in his duobus polis: tota lex pendeat & Prophetæ. Cum enim voluntas & Velle possit, & Nolle, dum vult, quod scriptum est in lege, & non vult quod vetitum est, jam habet quod scriptum est in capite libri, quod est caput omnis boni. Quid illud? [a] *In capite libri scriptum est de me, ut facerem voluntatem tuam; Deus meus volui.* In omnibus facere Dei voluntatem, est pervenisse ad ultimam lineam felicitatis. Dei voluntas est omnium voluntatum Regula: quapropter est norma recti, & forma obliqui; quæ & deflexa corrigit, & recta dirigit; quæ demonstret fugienda mala, & sequenda bona. Omnia mala ex hoc fonte scaturiunt, quia voluntas humana opponitur voluntati Divinæ. Quid agendum, ut vitia declines, virtutes secteris. Corrigitur voluntas distorta cum recta legis regula, & habet quod ad bonum tuum cupit, omnia. Sit pro clausula D. Augustini sententia: *Ecce tu volebas tibi aliquid accidere: sed Deus aliud voluit. Dna voluntates sunt; sed voluntas tua corrigitur ad voluntatem Dei.*

[a] *Psal. 39. 8.*

Januar.

Tessera.

21

non voluntas Dei torqueatur ad tuam. Prava est enim tua, regula est ista. Stet regula, & quod pravum est corrigatur ad regulam.

Frustrâ conatur, cui non Deus auxiliatur.

9. DIES JANUARI.

Gratiâ agitur, non solum ut facienda noverimus, sed ut cognita faciamus. *August. de grat. Christ. c. 12.*

Post velle I. **H**ic demum est Christianæ perfectionis apex, humanæ felicitatis vertex, bonum quod facere.

vis quod potes, Velle, quod velis

Facere. Et hoc fateri debes, te gratiæ debere ut monet tessera. Audi, & quidvis aude: [a] *Deus qui operatur in vobis, & velle, & perficere.* Qui operatur in te velle, est Bonitas; qui perficere, est Potentia. Quid dubitas perficere, ubi ut velis, Bonitas excitat; ut facias, Potentia adjuvat? Hinc jam duo emergunt, quæ toto Marte sibi repugnant. Alterum est Christi, alterum est Pauli. Sic Christus: [b] *Sine me nihil potestis facere.* Sic Paulus: [c] *Omnia possum in eo, qui me confortat.* Ecce hic gemina abyssus: Nihil, Omnia. Nihil, quid minus? Omnia, quid majus? Nihil, quid inanius? Omnia, quid plenius? Nihil, quid profundius? Omnia, quid excelsius? Ecce gratiæ necessitatem, sine qua potes penitus nihil: ecce gratiæ potestatem, cum qua potes divinitus omnia. Ex hac utraque abyssus, emergunt duæ virtutes; quæ sunt perfectionis cardines; summa hinc Humi-

B 3

litas,

[a] *Philip. 2. 13.* [b] *Joan. 15.* [c] *Philip. 4. 13.*